

唐  
音  
統  
籤

丁籤九十三白居易之

四十

唐音統籤卷

四百十三

五言古詩十四

以下至二十  
舊並後集

郡齋旬假命宴皇座客示郡寮

蘇州作

公門日兩衙公假月三旬衙用決簿領旬以會親  
賓公多及私少勞逸常不均況爲劇郡長安得閒  
宴頻下車已二月開筵始今晨初黔軍廚突一拂  
郡櫺塵旣備獻酬禮亦日水陸珍瓶醅簞溪醕水  
鱠松江鱗侑食樂懸動佐懽妓席陳風流吳中客  
佳麗江南人歌節點隨袂舞香遺在茵清奏凝未  
闕酡顏氣已春衆賓勿遽起羣寮且逡巡無輕一

日醉用犒九日勤微彼九日勤何以治吾民微此  
一日醉何以樂吾身

題西亭

朝亦視簿書暮亦視簿書簿書視未竟蟋蟀鳴座  
隅始覺芳歲晚復嗟塵務拘西園景多暇可以少  
躊躕池鳥澹容與橋柳高扶疎烟蔓嫋青薜水花  
披白蕖何人造茲亭華敞綽有餘四簷軒鳥翅複  
屋羅蜘蛛直廊抵曲房窗窳深且虛修竹夾左右  
清風來徐徐此旦宴佳賓鼓瑟吹笙等荒淫卽不  
可廢曠將何如幸有酒與樂及時歡且娛忽其解

郡印他人來此居

郡中西園

開園多芳草春夏香靡靡深樹足佳禽旦暮鳴不  
已院門閉松竹庭徑穿蘭芷愛彼池上橋獨來聊  
徙倚魚依藻長樂鷗見人暫起有時舟隨風盡日  
蓮照水誰知郡府內景物閒如此始悟誼靜緣何  
嘗繫遠邇

北亭臥

遠綠晚陰合池涼朝氣清蓮開有佳色鶴唳無凡  
聲唯此閒寂境愜我幽獨情病假十五日十日臥

茲亭明朝吏呼起還復視黎甿

一葉落

煩暑鬱未退涼颼潛已起寒溫與盛衰遞相爲表裏  
蕭蕭秋林下一葉忽先委勿言微搖落搖落從此始

同微之贈別郭虛舟鍊師五十韻

我爲江司馬君爲荆判司俱當愁悴日始識虛舟  
師師年三十餘白皙好容儀專心在鉛汞餘力工  
琴棋靜彈絃數聲閒餘酒一厄因指塵土下蟬蛸  
良可悲不聞姑射上千歲冰雪肌不見遼城外古

今塚纍纍嗟我天地間有術人莫知得可逃死籍  
不唯走三尸授我叅同契其辭妙且微六一闕局  
鐫子午守雄雌我讀隨目悟心中了無疑黃芽與  
紫車謂其坐致之自負因自歎人生號男兒若不  
珮金印合卽翳玉芝高謝人間世深結山中期泥  
壇方合矩鑄鼎圓中規爐橐一以動瑞氣紅輝輝  
齋心獨歎拜中夜偷一窺二物正訴合厥狀何怪  
奇綢繆夫婦體狎獵魚龍姿簡寂館鍾後紫霄峰  
曉時心塵未淨潔火候逐參差萬壽觀刀圭千功  
失毫釐先生彈指起姹女隨烟飛始知緣會間陰

臨不可移藥竈今夕罷詔書明日追追我復追君  
次第承恩私官雖小大殊同立白玉輝我直紫微  
闈手進賞罰詞君侍玉皇座口含生殺機直躬易  
媒孽浮俗多瑕疵轉徙今安在越嶠吳江湄一提  
支郡印一建連帥旗何言四百里不見如天涯秋  
風旦夕來白日西南馳雪霜各滿鬢朱紫徒爲衣  
師從廬山洞訪舊來於斯尋君又覓我風馭紛透  
迤帔裾曳黃絹鬚髮垂青絲逢人但斂手問道亦  
頷頤孤雲難久留十日告將歸款曲語半昔殷勤  
勉衰羸後會杳何許前心日磷緇俗家無異物何

以充別資素牋一百句題附元家詩朱頂鶴一隻  
與師雲間騎雲間鶴背上故情若相思時時摘一  
句唱作步虛辭

雙石

蒼然兩片石厥狀怪且醜俗用無所堪時人嫌不  
取結縱胚渾始得自洞庭口萬古遺水濱一朝入  
吾手擔舁來郡內洗刷去泥垢孔黑烟痕深罅青  
沿色厚老蛟蟠作足古劍插爲首忽疑天上落不  
似人間有一可棄吾琴一可貯吾酒峭絕高數尺  
坳泓容一斗五絃倚其左一杯置其右窪樽酌未



唐詩續集  
空玉山頽已久人皆有所好物各求其偶漸恐少  
年腸不容垂白叟迴頭問雙石能伴老夫否石雖  
不能言許我爲三友

宿東亭曉興

溫溫土爐火耿耿紗籠燭獨抱一張琴夜入東齋  
宿窻聲度殘漏簾影浮初旭頭癢曉梳多眠昏春  
睡足負暄簷宇下散步池塘曲南鴈去未迴東風  
來何速雪依瓦溝白草遶牆根綠何言萬戶太  
守常幽獨

自詠五首

朝亦隨羣動暮亦隨羣動榮華瞬息間求得將何  
用形骸與冠蓋假令相戲弄何異睡着人不知夢  
是夢

一家五十口一郡十萬戶出爲差科頭入爲衣食  
主水旱合心憂饑寒須手撫何異食蓼蟲不知苦  
是苦

公私頗多事衰憊殊少歡迎送賓客懶鞭笞黎庶  
難老耳倦聒樂病口厭杯盤旣無可戀者何以不  
休官

一日復一日自問何留滯爲貪逐日俸擬作歸田

計亦須隨豐約可得無限劑若待足始休休官在何歲

官舍非我廬官園非我樹洛中有小宅渭上有別墅既無婚嫁累幸有歸休處歸去誠已遲猶勝不歸去

和微之聽妻彈別鶴操因爲解釋其義依韻加四句

義重莫若妻生離不如死誓將死同穴其奈生無子商陵追禮教婦出不能止舅姑明且辭夫妻中夜起起聞雙鶴別若與人相似聽其悲唳聲亦如

不得已青田八九月途賦一萬里徘徊去住雲鳴  
咽東西水寫之在琴曲聽者酸心髓況當秋月彈  
先入憂人耳怨抑掩朱絃沉吟停玉指一聞無兒  
歎相念兩如此無兒雖薄命有妻偕老矣幸免生  
別離猶勝商陵氏

和微之四月一日作

四月一日天葩落葉陰薄泥新燕影忙蜜熟蜂聲  
樂麥風低也稻水平漠漠芳節或蹉跎遊心稍  
牢落春華信得美夏景亦未惡颭浪嫩青荷熏欄  
晚紅藥吳宮好風月越郡多樓閣兩地誠可憐其

唐音統籤

卷四百十三

六

丁

奈久離索

吳中好風景二首

吳中好風景八月如三月  
水荇葉仍香木蓮花未  
歇海天微雨散江郭纖埃滅  
暑退衣服乾潮生舩  
舫活兩衙漸多暇亭午初無熱  
騎吏語使君正是  
遊時節

吳中好風景風景無朝暮  
曉色萬家烟秋聲八月  
樹舟移管絃動橋擁旌旗駐  
鼓號齊雲樓重開武  
丘路況當豐熟歲好是歡遊  
處州民勸使君且莫  
拋官去

答劉禹錫白太守行

吏滿六百石昔賢輒去之秩登二千石今我方罷  
歸我秩訝已多我歸慙已遲猶勝塵土下終老無  
休期臥乞百日告起吟五篇詩

謂將罷官自味五首

朝與府

吏別暮與州民辭去年到郡時麥穗黃離離今年  
去郡日稻花白霏霏爲郡已周歲半歲罹旱饑糲  
糲無一片甘棠無一枝何乃老與幼泣別盡沾衣  
下慙蘇人淚上愧劉君辭

別蘇州

浩浩姑蘇民鬱鬱長洲城來戴侍寵命去愧無能

名青紫行將吏斑白列黎甿一時臨水拜十里隨  
舟行餞筵猶未收征棹不可停稍隔烟樹色尚聞  
絲竹聲悵望武丘路沉吟潯水亭還鄉信有興去  
郡能無情

卯時酒

佛法讚醍醐仙方誇沆瀣未如卯時酒神速功力  
倍一杯置掌上三嚙入腹內煦若春貫腸暄如日  
炙背豈獨肢體暢仍加志氣大當時造形骸竟日  
忘冠帶似遊華胥國疑反泥元代一性既完全萬  
機皆破碎半醒思往來往來吁可怪寵辱憂喜間

惶惶二十載前年辭紫閣今歲拋皂蓋去矣魚逐  
泉超然蟬離蛻是非莫分別行止無疑礙浩氣貯  
胸中青雲委身外捫心私自語自語誰能會五十  
年來心未如今日泰淵茲杯中物行坐長相對

自問行何遲

前月發京口今辰次淮涯二旬四百里自問行何  
遲還鄉無他計罷郡有餘資進不慕富貴退未憂  
寒饑以此易過日騰騰何所爲逢山輒倚棹遇寺  
多題詩酒醒夜深後睡足日高時眼底一無事心  
中百不知想到京國日懶放亦如斯何必冒風水



促促赴程歸

有感三首

鬢髮已斑白衣綬方朱紫窮賤當壯年富榮臨暮齒  
齒車輿紅塵合第宅青烟起彼來此須去品物之  
常理第宅非吾廬逆旅暫留止子孫非我有委蛻  
而已矣有如蠶造繭又似花生子子結花暗凋繭  
成蠶老死悲哉可奈何舉世皆如此

莫養瘦馬駒莫教小妓女後事在目前不信君看  
取馬肥快行走妓長能歌舞三年五歲間已聞換  
一主借問新舊主誰樂誰辛苦請君大帶上把筆

書此語

往事勿追思追思多悲愴來事勿相迎相迎已惆悵不如兀然坐不如塌然臥食來旣開口睡來即合眼二事最關身安寢加餐飯忘懷卽行止委命隨修短更若有興來狂歌酒一盞

宿滎陽

生長在滎陽少小辭鄉曲迢迢四十載復到滎陽宿去時十一二今年五十六追思兒戲時宛然如在目舊居失處所故里無宗族豈唯變市朝兼亦遷陵谷獨有溱洧水無情依舊綠

經漆洧

落日駐吟騎  
沉吟懷古情  
鄭風變已盡  
漆洧至今清  
不見士與女  
亦無芍藥名

喜雨

圃旱憂葵董  
農旱憂禾  
菽人各有所私  
我早憂松竹  
松乾竹焦死  
眷眷在心目  
灑葉漑其根  
汲水勞僮僕  
油雲忽東起  
涼雨淒相續  
似面洗垢塵  
如頭得膏沐  
千柯習習潤  
萬葉欣欣綠  
千日澆灌功  
不如一脈霖  
方知宰生靈  
何異活草木  
所以聖與賢  
同心調王燭

題道宗上人十韻

并序

普濟寺律大德宗上人法堂中有故相國鄭司徒歸尚書時刑部元少尹及今吏部鄭相中書韋相錢左丞詩覽其題皆與上人唱酬閱其人皆朝賢省其文皆義語予始知上人之文爲義作爲法作爲方便智作爲解脫性作不爲詩而作也知上人者云爾恐不知上人者謂爲護國法振靈一皎然之徒與故予題二十句以解之

如來說偈讚菩薩著論議是故宗律師以詩爲佛事一音無差別四句有詮次欲使第一流皆知不二義精潔霑戒體閒淡藏禪味從容恣語言縹緲離文字旁延邦國彥上達王公貴先以詩句牽後令入佛智人多愛師句我獨知師意不似休上人

厚章新集  
空多碧雲思

寄皇甫賓客

名利既兩忘形體方自遂臥掩羅雀門無人驚我  
睡睡足抖擻衣閒步中庭地食飽摩娑腹心頭無  
事除却玄晏翁何人知此味

寄庾侍郎

雙華亭鶴數片太湖石巉巖蒼玉峰矯矯青雲  
翮是時歲云暮淡薄烟景夕庭霜封石發池雪印  
鶴迹幽致竟誰別閒靜聊自適懷茲庾嘏之好是  
今宵客

寄崔少監

微微西風生稍稍東方明入秋神骨爽琴曉絲桐  
清彈爲古宮調玉水寒泠泠自覺絃指下不是尋  
常聲須臾羣動息掩琴坐空庭直至日出後猶得  
心和平惜哉意未已不使崔君聽

落花

留春春不住春歸人寂寞厭風風不定風起花  
索旣興風前歎重命花下酌勸君嘗綠醅教人拾  
紅萼桃飄火焰焰梨墮雪漠漠獨有病眼花春風  
吹不落

別鵝帳火爐

憶昨臘月天北風三尺雪年老不禁寒夜長安可  
徹賴有青鵝帳風前自張設復此紅火爐雪中相  
暖熱如魚入淵水似兔藏深穴婉軟蟄鱗蘇溫燉  
凍肌活方安陰慘夕遽變陽和節無奈時候遷豈  
是恩情絕囊簾逐日卷香燎隨灰滅離恨屬三春  
佳期在十月但令此身健不作多時別

六年春贈分司東都諸公

時爲河南尹

我爲同州牧內愧無才術忝擢困已多遭逢幸非  
一偶當穀賤歲適值民安日郡縣獄空空鄉閭盜

奔逸其間最辛者朝夕多分秩行接鴛鴦羣坐成  
芝蘭室時聯拜表騎閒動題詩筆夜雪秉燭遊春  
風攜榼出花教鶯點檢柳付風排比法酒淡清漿  
含桃嫋紅實洛童調金管盧女鏗瑤瑟黛慘歌思  
深腰凝舞拍密每因同醉樂自覺忘衰疾始悟肘  
後方不如杯中物生涯隨日過世事何時畢老子  
苦乖慵希君數牽率

贈韋處士六年夏大熱旱

驕陽連毒暑動植皆枯槁旱日乾密雲炎烟焦茂  
草少壯猶困苦況予病且老脫無白梅檀何以除



熱惱

華嚴經云以白梅樹塗身能除一切熱惱而得清涼也

汗巾束頭鬢

食熏襟抱始覺韋山人休糧散髮好

丁籤九十三白居易之五

唐音統籤卷十四

五言古詩十五

和微之詩二十三首

并序

微之又以近作二十三首寄來命僕繼和其間  
寒絮四百字車斜二十篇者流皆韻劇辭彈瓊  
奇怪譎又題云奉煩只此一度乞不見辭若欲  
定霸取威置僕於窮地耳大凡依次用韻韻同  
而意殊約體爲文文成而理勝此足下素所長  
者僕何有焉今足下果用所長過蒙見窘然敵  
則氣作急則計生四十二章麾掃並畢不知大  
敵以爲如何夫剔石破山先觀鑿跡發矢中的  
兼聽絃聲以足下來章惟求相困故老僕報語  
不覺太誇況曩者唱酬近來因繼已十六卷凡  
千餘首矣其爲敵也當今不見其爲多也從古  
未聞所謂天下英雄惟使君與操耳戲及此者  
亦欲三千里外一破愁顏勿  
示他人以取笑請樂天白

和晁霞

君歌仙氏真我歌慈氏真慈氏發真念念此閻浮  
人左命大迦葉右召桓提因千萬化菩薩百億諸  
鬼神上自非想頂下及風水輪胎卵濕化類蠢蠢  
難具陳弘願在救拔大悲忘辛勤無論善不善豈  
聞冤與親挾開生盲眼擺去煩惱塵燭以智慧日  
灑之甘露津千界一時度萬法無與鄰借問晨霞  
子何如朝玉宸

間和送劉道士遊天台

聞君夢遊仙輕舉超世羣握持尊皇節統衛吏兵

軍靈旂星月象天衣龍鳳紋佩服交帶簪諷吟藥  
珠文闔宮縹緲閒釣樂依稀聞齋心謁西母膜拜  
朝東君煙霏子晉裾霞爛麻姑裙倏忽別眞侶悵  
望隨歸雲人生同大夢夢與覺誰分況此夢中夢  
悠哉何足云假如金闕頂設使銀河濱旣未出三  
界猶應在五蘊飲嚙日月精茹嚼沆瀣芬尚是色  
香味六塵之所熏仙中有天仙首出夢幻羣慈光  
一照燭奧法相細縕不知萬齡暮不見三光曛一  
性自了了萬緣徒紛紛苦海不能漂劫火不能焚  
此是竺乾教先生垂典墳

和櫛沐寄道友

櫛沐事朝謁中門初動關盛服去尚早假寐須臾  
閒鐘聲發東寺夜色藏南山停驂待五漏人馬同  
時閒高星粲金粟落月沉玉環出門向關路坦坦  
無阻艱始出望北閤稍轉市西闌晨燭照朝服紫  
爛復朱殷由來朝廷士一入多不還因循擲白日  
積漸凋朱顏青雲已難致碧落安能攀但且知止  
足尚可銷憂患

和祝蒼華

蒼華髮  
神名

日居復月諸環迴照下土使我玄雲變化爲素紗

縷粟質本羸劣養生仍莽鹵痛飲困連宵悲吟饑  
過午遂令頭上髮種種無尺五根稀比黍苗梢細  
同釵股豈是乏膏沐非關櫛風雨最爲悲傷多心  
焦衰落苦餘者能有幾落者不可數禿似鵲填河  
墮如烏解羽蒼華何用祝苦辭亦休吐正如剃頭  
僧豈要巾冠主

和我年三首

我年五十七榮名得幾許甲乙三道科蘇杭兩州  
主才能本淺薄心力虛勞苦可能隨衆人修老於  
塵上

我年五十七歸去誠已遲歷官十五政數若珠纍  
繫野苹始賓薦塲苗初繫維因讀管蕭書竊慕大  
有爲及遭榮遇來乃覺才力羸黃紙詔頻草朱輪  
車載脂妻孥及僕使皆免寒與飢省躬私自愧知  
我者微之未懷山陰守未遂嵩陽期如何坐留滯  
頭白江之湄

我年五十七榮名得非少報國竟何如謀身猶未  
了昔嘗速官謗恩大而慙小一點鶴辭軒七年魚  
在沼將枯鱗再躍經鍛翮重矯白日上昭昭青雲  
高渺渺平生頗同病老大宜相曉紫綬足可榮白

頁不爲天風懷慕箕頽晚節期松篠何當闕下來  
歸拜陳情表

三月三十日四十韻

送春君何在君在山陰署憶我蘇杭時春遊亦多  
處爲君歌往事豈敢辭勞慮莫怪言語狂須知酬  
答遽江南臘月半冰凍凝如瘕寒景尚蒼茫和風  
已吹噓女精城似竈鴈齒橋如鋸魚尾上齋淪草  
芽生沮洳律遲太簇管目緩義和馭布澤木龍催  
迎春土牛助雨師習習灑雲將飄飄翦四野萬里  
晴千山一時曙杭土麗且康蘇民富而庶善惡有



慙勸剛柔無吐茹兩衙少辭牒四境稀書疏俗以

勞俸安政因閒暇著仙亭日登眺虎丘時游豫

亭在杭虎丘寺在蘇尋幽駐旌軒選勝迴賓御舟移溪鳥避

樂作林猿覩池古莫耶沉石奇羅刹路

在杭水苗泥易耨禽巢灰難鋤紫蕨抽出畦白蓮

埋在淤菱花紅帶黯溫葉黃含芬

動波颭菱雪迴風旋絮手經攀桂馥齒爲嘗梅楚

坐併船脚欹行多馬蹄阻聖賢清濁醉水陸鮮肥

飫魚膾芥醬調水葵鹽豉絮

反雖微五袴詠幸免兆人詛但令樂不荒何必遊無侶吳苑僕尋罷

煙波公尚據舊遊幾客存新宴誰人與莫空少舉  
酒強下何曾飭江上易優游城中多毀譽分應當  
自盡事勿求人恕我旣無子孫君仍畢婚娶久爲  
雲雨別終擬江湖去范蠡有扁舟陶潛有籃輿兩  
心苦相憶兩口遙相語最恨七年春春來各一處

和寄樂天

賢愚類相交人情之大率然自古今來幾人號膠  
漆近聞屈指數元某與白乙旁愛及弟兄中權避  
家室松筠與金石未足喻堅密在車如輪轅在身  
如肘腋又如風雲會天使相終匹不似勢利交有

名而無實頃我在杭歲值君之越日望愁來儀渥  
宴惜流景疾坐耀黃金帶酌醑頰玉質酣歌口不  
停狂舞衣相拂平生賞心事施展十未一會笑  
啞啞離嗟乃唧唧餞筵纔收於征棹遽排比後  
苦繇繇前歡何卒卒居人色慘淡行子心紆鬱  
袂去時揮雲帆望中失宿醒和別思目眩心忽忽  
病魂黯然銷老淚淒其出別君只如昨芳歲換  
七俱是官家身後期難自必籍田賦云難  
望歲而自必

和寄問劉白

詩夢得與樂  
天方舟西上

正與劉夢得醉笑大開口適值此詩來歡喜君知

否遂令高卷幕兼遣重添酒起望會稽雲東南一  
回首愛君金玉句舉世誰人有功用隨日新資材  
本天授吟哦不能散自午將及酉遂留夢得眠匡  
林宿東牖

和新樓北園偶集從孫公度周巡官韓秀  
才盧秀才范處士小飲鄭侍御判官周劉  
二從事皆先歸

聞君新樓宴下對北園花主人既賢豪賓客皆才  
華初筵日未高中飲景已斜天地爲幕席富貴如  
泥沙嵇劉陶阮徒不足置齒牙臥甕鄙畢卓落帽

嗤孟嘉芳草供枕籍亂鶯助誼譁醉鄉得道路狂  
海無津涯一歲春又盡百年期不賒同醉君勿辭  
獨醒古所嗟銷愁若沃雪破悶如割瓜稱觴起爲  
壽此樂無以加歌聲凝貫珠舞袖飄亂麻相公謂  
四座今日非自誇有奴善吹笙有婢彈琵琶十指  
纖若笋雙鬢黰如鴟履舄起交雜盃盤散紛拏歸  
去勿擁過倒載逃難遮明日宴東武後日遊若耶  
豈獨相公樂謳歌千萬家

和除夜作

君賦此詩夜窮陰歲之餘我和此詩日微和春之

初老知顏狀改病覺肢體虛頭上毛髮短口中牙齒疎一落老病界難逃生死墟況此促促世與君  
多索居君在浙江東榮駕方伯輿我在魏闕下謬  
乘大夫車妻孥常各飽奴婢亦盈廬唯是利人事  
比君全不如我統十郎官君領百吏胥我掌四曹  
局君管十鄉閭君爲父母君大惠在資儲我爲刀  
筆吏小惡乃誅鋤君提七郡籍我按三尺書俱已  
佩金印嘗同趨玉除外寵信非薄中懷何不攄恩  
光未報答日月空居諸磊落嘗許君跼促應笑予  
所以自知分欲先歌歸歎

和知非

因君知非問詮較天下事第一莫若禪第二無如  
醉禪能泯人我醉可忘榮悴與君次第言爲我少  
留意儒教重禮法道家養神氣重禮足滋彰養神  
多避忌不如學神定中有甚深味曠廓了如空澄  
凝勝於睡屏除默默念銷盡悠悠思春無傷春心  
秋無感秋淚坐成真諦樂如受空王賜旣得脫塵  
勞兼應離慙愧除禪其次醉此說非無謂一酌機  
卽忘三杯性咸遂逐臣去室婦降虜敗軍帥思苦  
膏火煎憂深局鎖祕須憑百杯沃莫惜千金費便

似罩中魚脫飛生兩翅  
聖君雖老大逢酒莫迴避  
不然卽學禪兩途同一致

和望曉

休吟稽山曉聽詠秦城旦鳴雞初有聲宿鳥猶未  
散丁丁漏向盡簫簫鼓過半南山青沉沉東方白  
漫漫街心若流水城角如斷岸星河稍隅落宮闕  
方輪煥朝車雷四合騎火星一貫赫奕冠蓋盛  
燐煌朱紫爛沙堤蝦蟇池子城東北低下處舊號蝦蟇池市路遶龍  
斷白日忽照耀紅塵紛散亂貴教過客避榮任行  
人看祥烟滿虛空春色無邊畔鵲行候客刻龍尾



登霄漢臺殿暖宜攀風光晴可翫草鋪地茵褥雲  
卷天幃幔鶯雜佩鏘鏘花遶衣粲粲何言終日樂  
獨起臨風歎歎我同心人一別春七換相望山隔  
礙欲去官羈絆何日到江東超然似張翰

和李勢女

減一分太短增一分太長不朱面若花不粉肌如  
霜色爲天下豔心乃女中郎自言重不幸家破身  
未亡人各有一死此死職所當忍將先人體與主  
爲疣瘡妾死主意快從此兩無訪願信赤心語速  
卽白刃光南郡忽感激却立捨鋒鉞撫背稱阿姑

歸我如歸鄉竟以恩信待豈止猜妬忘由來机上  
肉不足揮于將南郡死已久骨枯墓蒼蒼願於墓  
上頭立石鐫此章勸誠天下婦不令陰勝陽

和酬鄭侍御東陽春闕放懷追越遊見寄

和自勸二首

和雨中花

以上四首墜  
七言古詩內

和晨興因報閨寵兒

冬旦寒慘澹雲日無晶輝當此歲暮感見君晨興  
詩君詩亦多苦若在兄遠離我苦不在遠纏綿肝  
與脾西院病婦婦後牀孤姪兒黃昏一慟後夜半

十起時病眠兩行淚悲鬢萬莖絲咽絕五臟脈瘦  
消百骸脂雙目失一目四肢斷兩肢不如溘然逝  
安用半活爲誰謂荼蘼苦荼蘼甘如飴誰謂湯火  
熱湯火冷如澌前時君寄詩憂念問阿鴈喉燥聲  
氣窒經年無報辭及覩晨興句未吟先涕垂因茲  
漣如際一吐心中悲茫茫四海間此苦唯君知我  
去四千里使我告訴誰仰頭向青天但見鴈南飛  
憑鴈寄一語爲我達微之弦絕有續膠樹斬可接  
枝唯我中腸斷應無連得期

和朝回王鍊師遊南山下

藹藹春景餘  
峩峩夏雲初  
躡蹠退朝騎  
飄飄隨風裾  
晨從四丞相  
入拜白玉除  
暮與一道士  
出尋青谿居  
吏隱本齊致  
朝野孰云殊  
道在有中適  
機忘無外虞  
但愧烟霄上  
鸞鳳爲吾徒  
又慙雲林間  
鷗鶴不我疎  
坐傾數杯酒  
臥枕一卷書  
興酣頭兀兀  
睡覺心于于  
以此送日月  
問師爲何如

### 和嘗新酒

空腹嘗新酒  
偶成卯時醉  
醉來擁褐裘  
直至齋時睡  
靜酣不語笑  
真寢無夢寐  
殆欲忘形骸  
詎知屬天地  
醒餘和未散  
起坐澹無事  
舉臂一欠伸  
引琴

彈秋思

和順之琴者

陰陰花院月耿耿蘭房燭中有弄琴人聲貌俱如  
玉清冷石泉引雅澹風松曲遂使君子心不愛凡  
絲竹

感舊寫真

李放寫我真寫來二十載莫問真何如畫亦銷光  
彩朱顏與玄鬢日夜改復改無嗟貌遽非且喜身  
猶在

子鉞九十三白居易之

六

唐音統鑑卷

四

五言古詩十六

授太子賓客歸洛

自此後東都作

南省去拂衣東都來掩扉病將老齊至心與身同  
歸白首外緣少紅塵前事非懷哉紫芝叟千載心  
相依

秋池一首

身閒無所爲心閒無所思況當故園夜復此新秋  
池岸闌鳥棲後橋明月出時菱風香散漫桂露光  
參差靜境多獨得幽懷竟誰知悠然心中語自問

來何遲

朝衣薄且健晚簟涼仍清  
社近燕影稀雨餘蟬聲  
歇閒中得詩境此境幽難說  
露荷珠自領風竹玉  
相憂誰能一同宿共翫  
新秋月暑退涼早歸池邊  
好時節

中隱

大隱住朝市小隱入丘樊  
丘樊太冷落朝市太囂  
譁不如作中隱隱在留司官  
似出復似處非忙亦  
非閒不勞心與力又免饑  
與寒終歲無公事隨月  
有俸錢君若好登臨城南有  
秋山君若愛遊蕩城

東有春園君若欲一醉時出赴賓筵洛中多君子  
可以恣歡言君若欲高臥但自深掩關亦無車馬  
客造次到門前人生處一世其道難兩全賤卽苦  
凍餒貴則多憂患唯此中隱士致身吉且安窮通  
與豐約正在四者間

問秋光

殷卿領北鎮崔尹開南幕外事信爲榮中懷未必  
樂何如不才者兀兀無所作不引窻下琴卽舉池  
上酌淡交唯對水老伴無如鶴自適頗從容旁觀  
誠淩落身心轉恬泰煙景彌淡泊迴首語秋光東



來應不錯

引泉

一爲止足限二爲衰疾牽  
邴邴不因事陶歸非待  
年歸來嵩洛下閉戶何  
翛然靜掃林下地閒疏  
池畔泉伊流狹似帶洛  
石大如拳誰教明月下  
爲我聲濺濺竟夕舟中  
坐有時橋上眠何用施  
屏障水竹繞牀前

知足吟

和崔十八  
未貧作

不種一隴田倉中有餘粟  
不採一株桑箱中有餘帛  
服官閒離憂責身泰無羈  
京中人百戶稅賓客一

年祿樽中不乏酒  
籬下仍多菊  
是物皆有餘  
非心無所欲  
吟君未貧作  
因歌知足曲  
自問此時心  
不足何時足

酬集賢劉郎中對月見寄兼懷元浙東

月在洛陽天天高  
淨如水下有白頭人  
擘衣中夜起思遠  
鏡亭上光深書殿裏  
眇然三處心相去各  
千里

太湖石

遠望老嵯峨  
近觀怪嶽峯  
纔高八九尺  
勢若千萬尋  
嵌空華陽洞  
重疊匡山岑  
邈矣仙掌迥  
呀然劒

門深形質冠今古氣色通晴陰未秋已瑟瑟欲雨  
先沉沉天姿信爲異時用非所任磨刀不如礪擣  
帛不如砧何乃主人意重之如萬金豈伊造物者  
獨能知我心

偶作二首

擾擾貪生人幾何不夭關遑遑愛名人幾何能貴  
達伊余信多幸拖紫垂白髮身爲三品官年已五  
十八筋骸雖早衰尚未苦羸憊資產雖不豐亦不  
甚貧竭登山力猶在遇酒興時發無事日月長不  
羈天地闊安身有處所適意無時節解帶松下屣

抱琴池上月人間所重者相印將軍鉞謀慮繫安危  
威權主生殺焦心一身苦炙手旁人熱未必方寸閒  
得如吾快活

日出起盥櫛振衣入道場寂然無他念但對一爐香  
日高始就食食亦非膏粱精粗隨所有亦足飽充腸  
日午脫巾簪燕息窻下牀清風颭然至臥可致羲皇  
日西引杖屨散步遶林塘或飲茶一盞或吟詩一章  
日入多不食有時唯命觴何以送閒夜  
一曲秋霓裳一日分五時作息率有常自喜老後  
健不嫌閒中忙是非一以貫身世交相忘若問此

何許此是無何鄉

葺池上舊亭

池月夜淒涼池風曉蕭颯欲入池上冬先葺池中  
閣向暖牕戶開迎寒簾幕合苔封舊瓦木水照新  
朱蠟軟火添土鑪香醪小瓷榼中有獨宿翁一燈  
對一榻

崔十八新池

愛君新小池池色無人知見底月明夜無波風定  
時忽看不似水一泊稀疏璃

翫止水

動者樂流水靜者樂止水利物不如流鑒形不如  
止淒清早霜降淅瀝微風起中面紅葉開四隅綠  
萍委廣狹八九丈灣環有涯涘淺深三四尺洞徹  
無表裏淨分鶴翹足澄見魚掉尾迎眸洗眼塵隔  
胃蕩心滓定將禪不別明與誠相似清龍律貪夫  
淡可交君子豈唯空狎翫亦取相倫擬欲識靜者  
心心源只如此

閩崔十八宿于新昌弊宅時予亦宿崔家依  
仁新亭一宵偶同兩興暗合因而成詠聊以  
寫懷

陋巷掩弊廬高居敞華屋新昌七株松依仁萬莖  
竹松前月臺白竹下風池綠君向我齋眠我在君  
亭宿平生有微尚彼此多幽獨何必求主人兩心  
聊自足

日長

日長晝加餐夜短朝餘睡春來寢食閒雖老猶有  
味林塘得芳景園曲生幽致愛水多棹舟惜花不  
掃地幸無眼下病且向樽前醉身外何足言人閒  
本無事

三月三十日作

今朝三月盡寂寞春事畢黃鳥漸無聲朱櫻新結  
實臨風獨長歎此歎意非一半百過九年豔陽殘  
一日隨年減歡笑逐日添衰疾且遣花下歌送此  
盃中物

慵不能

架上非無書眼慵不能看匣中亦有琴手慵不能  
彈腰慵不能帶頭慵不能冠午後恣情寢午時隨  
事餐一餐終日飽一寢至夜安飢寒亦閒事況乃  
不飢寒

晨興



宿鳥動前林晨光上東屋銅鑪添早香紗籠滅殘  
燭頭醒風稍愈眼飽睡初足起坐兀無思呬齒三  
十六何以解宿齋一杯雲母粥

朝課

平甃白石渠靜掃青苔院池上好風來新荷大如  
扇小亭中何有素琴對黃卷藥珠諷數篇秋思彈  
一遍從容朝課畢方與客相見

天竺寺七葉堂避暑

鬱鬱復鬱鬱伏熱何時畢行人七葉堂煩暑隨步  
失簷雨稍霏微窻風正蕭瑟清宵一覺睡可以銷

百疾

香山寺石樓潭夜浴

炎光晝方熾暑氣宵彌毒搖扇風甚微寒裳汗霰  
露起向月中行來就潭中浴平石爲浴牀窪石爲  
浴斛綃巾薄露頂草履輕乘足清涼詠而歸歸上  
石樓宿

嗟髮落

朝亦嗟髮落暮亦嗟髮落落盡誠可嗟盡來亦不  
惡旣不勞洗沐又不勞梳掠最宜濕暑天頭輕無  
髻縛脫置垢巾幘解去塵纓絡銀瓶貯寒泉當頂

傾一勺有如醍醐灌坐受清涼樂因悟自在僧亦資於剝削

安穩眠

家雖日漸貧猶未苦飢凍身雖日漸老幸無急病  
痛眼逢閑處合心向閒時用既得安穩眠亦無顛  
倒夢

書紳

仕有職役勞農有畎畝勤悠哉分司叟心力無著  
辛歲晚頭又白自問何欣欣新酒始開甕舊穀猶  
滿囷吾嘗靜自思往往夜達晨何以送吾老何以

安吾貧歲計莫如穀飽則不干人日計莫如醉醉則兼忘身誠知有道理未敢勸交親恐爲人所嘲聊自書諸紳

秋遊平泉贈韋處士閒禪師

秋景引閒步山遊不知疲杖藜捨輿馬十里與僧期昔嘗憂六十四體不支持今來已及此猶未苦衰羸

予往年有詩云三十氣大壯四十多是衰羸非六十年太老四體不支持今故云

心興

遇境發身力因行知尋雲到起處愛泉聽滴時南村韋處士西寺閒禪師山頭與澗底關健且相隨

遊坊口懸泉偶題石上

時爲河南尹

濟源山水好老尹知之久常日聽人言今秋入吾  
手孔山刀劒立沁水龍蛇走危磴上懸泉澄灣轉  
坊口虛明見深底淨綠無纖垢仙棹渡悠悠塵纓  
風抖擻巖寒松柏短石古莓苔厚錦座纓高低翠  
屏張左右雖無安石妓不乏文舉酒談笑逐身來  
管絃隨事有時逢杖錫客或值垂綸叟相與澹忘  
歸自辰將及酉公門欲返駕溪路猶迴首早晚重  
來遊心期罷官後

對火翫雪

平生所心愛愛火兼憐雪火是臘天春雪爲陰夜

月鵝毛紛正墮獸炭敲初拆盃尺白鹽寒滿鑪紅  
玉熱稻宜杯酌動漸引笙歌發但識歡來由不知  
醉時節銀盤堆柳絮羅袖搏瓊屑共愁明日銷便  
作經年別

六年寒食洛下宴遊贈馮李二少尹

豐年寒食節美景洛陽城三尹皆強健七日盡晴  
明東郊躡青草南園攀紫荆風拆海榴豔露墜木  
蘭英假開春未老宴合日屢傾珠翠混花影管絃  
藏水聲佳會不易得良辰亦難并聽吟詠暫輟看  
舞杯徐行米價賤如土酒味濃於餠此時不盡醉

但恐負平生殷勤二曹長各捧一銀觥

苦熱中寄舒員外

何堪日衰病復此時炎燠厭對俗杯盤倦聽凡絲  
竹藤牀鋪晚雪角枕截寒玉安得清瘦人新秋夜  
同宿非君固不可何夕枉高躅

閒夕

一聲早蟬發數點新螢度蘭缸無烟筠簟清有  
露未歸後房寢且下前軒步斜月入低廊涼風滿  
高樹放懷常自適遇境多成趣何法使之然心中  
無細故

寄情

灼灼早春梅東南枝最早持來翫未足花向手中  
老芳香銷掌握悵望生懷抱豈無後開花念此先  
開好

早冬遊王屋自靈都抵陽臺上方望天壇偶  
吟成章寄溫谷周尊師中書李相公

霜降山水清王屋十月時石泉碧漾漾巖樹花離  
離朝爲靈都遊暮有陽臺期飄然世塵外鸞鶴如  
可追忽念公程盡復慙身力衰天壇在天半欲上  
心遲遲嘗聞此遊者隱客與損之各抱貴仙骨俱



非泥垢姿二人相顧言彼此稱男兒苦不爲松喬  
卽須作臯夔今果如其語光彩雙歲粧一人佩金  
印一人翳玉芝我來高其事詠歎偶成詩爲君題  
石上欲使故山知

詠興五首

并序

七年四月予罷河南府歸履道第廬舍自給衣  
儲自充無欲無營或歌或舞頽然自適蓋河洛  
間一幸人也遇興發詠偶成  
五章名以首句命爲題目

解印出公府

解印出公府抖擻塵土衣百吏放爾散雙鶴隨我  
歸歸來履道宅下馬入紫扉馬嘶返舊轡鶴舞還

故池雞犬何忻忻鄰里亦依依年顏老去日生計  
勝前時有帛禦冬寒有穀防歲飢飽於東方朔樂  
於榮啓期人生且如此此外吾不知

出府歸吾廬

出府歸吾廬靜然安且逸更無客下謁時有僧問  
疾家僮十餘人櫪馬三四匹慵發經旬臥興來連  
日出出遊愛何處嵩碧伊瑟瑟況有清和天正當  
疎散日身閑自爲貴何必居榮秩心足卽非貧豈  
唯金滿室吾觀權勢者苦以身徇物炙手外炎炎  
履冰中慄慄朝飢口忘味夕惕心憂失但有富貴

名而無富貴實

池上有小舟

池上有小舟舟中有胡牀牀前有新酒獨酌還獨  
嘗熏若春日氣皎如秋水光可洗機巧心可蕩塵  
垢腸岸曲舟行遲一曲進一觴未知幾曲醉醉入  
無何鄉黃綠潭島間水竹深青蒼身閒心無事白  
日爲我長我若永忘世雖閒心亦忙世若永忘我  
雖退身難藏我今異於是身世交相忘

四月池水滿

四月池水滿龜游魚躍出吾亦愛吾池池邊閒一

室人魚雖異族其樂歸於一旦與爾爲徒逍遙同  
過日爾無羨滄海蒲藻可委質吾亦忘青雲衡茅  
足容膝況吾與爾輩本非蛟龍匹假如雲雨來祇  
是池中物

### 小庭亦有月

小庭亦有月小院亦有花可憐好風景不解嫌貧  
家菱角執笙簧谷兒抹琵琶紅綃信手舞紫綃隨  
意歌菱谷紫紅皆小藏獲名也村歌與社舞客哂主人誇但問  
樂不樂豈在鐘鼓多客告暮將歸主稱日未斜請  
客稍深酌願見朱顏酡客知主意厚分數隨後加

堂上燭未秉座中冠已褰左顧短紅袖右命小青  
娥長跪謝貴客蓬門勞見過客散有餘興醉臥獨  
吟哦幕天而席地誰奈劉伶何

秋涼閒臥

殘暑晝猶長早涼秋尚嫩露荷散清香風竹含疎  
韻幽閒竟日臥衰病無人問薄暮宅門前槐花深  
一寸

酬思黯相公見過弊居戲贈

軒蓋光照地行人爲徘徊呼傳相君出乃是故人  
來訪我入窮巷引君登小臺臺前多竹樹池上無

塵埃貧家何

三

曲語上馬從容

復遲迴留守不

宿日斜

但留金刀贈未

接玉山頽家醞不敢惜料君來白關村妓不辭出

恐君驟然哈

丁籤九十三白居易之

七十

唐音統籤卷

四百十六

五言古詩十七

再授賓客分司

優儒四皓官清崇三品列伊予再塵忝內愧非才  
暫俸錢七八萬給受無虛月分命在東司又不勞  
朝謁既資閒養疾亦賴慵藏拙賓友得從容琴觴  
恣怡悅乘籃城中去  
看龍門雪吾若默無語安知吾快活吾欲更盡言  
復恐人豪奪應爲時所笑吾惜分司闕但問適意  
無豈論官冷熱

把酒

把酒仰問天古今誰不死所貴未死間少憂多歡  
喜窮通諒在天憂喜卽由已故達道人去彼而  
取此勿言奉富貴久忝居祿仕借問宗族間幾人  
拖金紫勿憂漸衰老且喜加年紀試數班行中幾  
人及暮齒朝餐不過飽五鼎徒爲爾夕餐止求安  
一食而已矣此外皆長物於我雲相似有子不留  
金何況兼無子

首夏

林靜蚊未生池靜蛙未鳴景長天氣好竟日和且



清春禽餘嘒在夏木新陰成兀爾水邊坐翛然橋  
上行自行一何適身閑官不輕料錢隨月用生計  
逐日營食飽慙伯夷酒足愧淵明陶潛詩云飲  
酒常不足壽  
倍顏氏子富百黔婁生有一卽爲樂況吾四子并  
所以私自慰雖老有心情

代鶴

我本海上鶴偶逢江南客感君一顧恩同來洛陽  
陌洛陽寡族類皎皎唯兩翼貌是天與高色非日  
浴白主人誠可戀其奈軒庭窄飲啄難雞羣年深  
損標格故鄉渺何處雲水重重隔誰念深籠中七

換摩天翮

立秋日有懷夢得

露簾荻竹清風扇蒲葵輕一與故人別再見新蟬  
鳴是夕涼颺起閒境入幽情迴燈見棲鶴隔竹聞  
吹笙夜茶一兩杓秋吟三數聲所思渺千里雲水  
長洲城

哭崔常侍晦叔

頑賤一拳石精珍百鍊金名價旣相遠交分何其  
深中誠一以合外物不能侵逶迤二十年與世同  
浮沉晚有退閒約白首歸雲林垂老忽相失悲哉

口語心春日嵩高陽秋夜清洛陰丘園共誰卜山  
水共誰尋風月共誰賞詩篇共誰吟花開共誰看  
酒熟共誰斟惠死莊杜口鍾歿師廢琴道理使之  
然從古非獨今吾道自此孤我情安可任唯將病  
眼淚一灑秋風襟

初秋曉興

濁暑忽已退清宵未全長晨缸耿殘燄宿閣吟微  
香喔喔雞下樹輝輝日上梁枕低茵席軟臥穩身  
入牀睡足景猶早起初風乍涼展張小屏障收拾  
生衣裳還有惆悵事遲遲未能忘拂鏡梳白髮可

月言新集  
憐冰照霜

秋池獨泛

蕭疎秋竹籬清淺秋風池一隻短舫艇一張斑鹿  
皮皮上有野叟手中持酒卮半酣箕踞坐自問身  
爲誰嚴子垂釣日蘇門長嘯時悠然意自得意外  
何人知

冬日早起閒詠

冰塘耀初旭風竹飄餘霰幽境雖目前不因閒不  
見晨起對壚香道經尋雨巷晚坐拂琴塵秋思彈  
一遍此外更無事開樽時自勸何必東風來一盃

春上面

歲暮

慘澹歲云暮窮陰動經旬霜風裂人面冰雪摧車  
輪而我當是時獨不知苦辛晨炊廩有米夕爨厨  
有薪夾帽長覆耳重裘寬裹身加之一杯酒煦嫗  
如陽春洛城士與庶比屋多饑貧何處鑪有火誰  
家甌無塵如我飽暖者百人無一人安得不慙愧  
放歌聊自陳

南池早春有懷

朝遊北橋上晚憩南塘畔西日雪全銷東風冰盡

泮筵筵魚尾掉瞥瞥鵝毛換泥暖草芽生沙虛泉  
脉散晴芳冒苔島宿潤侵蒲岸落日初長江南  
春欲半時光共拋擲人事堪嗟歎倚棹忽尋思去  
年池上伴

古意

脈脈復脈脈美人千里隔不見來幾時碧草三四  
碧玉琴聲悄悄驚鏡塵羅羅昔爲連理枝今作分  
飛翮寄書多不達加飯終無益心腸不自寬衣帶  
何由窄

山遊示小妓

雙鬟垂未合三十纔過半本是綺羅人今爲山水  
伴春泉共揮弄好樹同攀翫笑容花底迷酒思風  
前亂紅凝舞袖急鶯啼歌聲緩莫唱楊柳枝無腸  
與君斷

神照禪師同宿

八月三日晦山梨花滿枝龍門水西寺夜與遠公  
期晏坐自相對密語誰得知前後際斷處一念不  
生時

張常侍相訪

西亭曉寂寞鶯散柳陰繁水戶簾不卷風牀席自

月言彩筆  
翻忽聞車馬客來訪蓬蒿門況是張常侍安得不  
開樽

早夏遊宴

雖慵興猶在雖老心猶健昨日山水遊今言芝蘭宴  
山榴豔似火玉葉飄如霰榮落逐時遷炎涼隨  
刻變未收木綿褥已動蒲葵扇且喜物與人年年  
得相見

感白蓮花

白白芙蓉花本生吳江濱不與紅者雜色類自區  
分誰移爾至此姑蘇白使君初來苦鱸鱸久乃芳



氛氲月月葉換葉年年根生根陳根與故葉銷化  
成泥塵化者日已遠來者日復新一爲池中物未  
別江南春忽想西涼州中有天寶民埋沒漢父祖  
孳生胡子孫已忘鄉土戀豈念君親恩生人尚復  
爾草木何足云

### 詠所樂

獸樂在山谷魚樂在陂池蟲樂在深草鳥樂在高  
枝所樂雖不同固歸適其宜不以彼易此況論是  
與非而我何所樂所樂在分司分司有何樂樂哉  
人不知官優有祿料職散無羈縻懶與道相近鈍

將閒自隨昨朝拜表迴今晚行香歸歸來北牕下  
解巾脫塵衣冷泉灌我頂暖水濯四肢體中幸無  
疾臥任清風吹心中又無事坐任白日移或開書  
一篇或引酒一卮但得如今日終身無厭時

思舊

間日一思舊舊遊如目前再思今何在零落歸下  
泉退之服硫黃一病訖不瘥微之鍊秋石未老身  
溘然杜子得丹訣終日斷腥羶崔君誇藥力經冬  
不衣綿或疾或暴天悉不過中年唯予不服食老  
命反遲延況在少壯時亦爲嗜欲牽但欲盡其血

不識承與鉛飢來吞熱物渴來飲寒泉詩役五臟  
神酒汨三丹田隨日合破壞至今粗完全齒牙未  
缺落肢體尚輕便已開第七秩飽食仍安眠且進  
盃中物其餘皆付天

寄盧少卿

老誨心不亂莊戒形太勞生命既能保死籍亦可  
逃嘉肴與旨酒信是腐腸膏豔聲與麗色真爲伐  
性刀補養在積功如裘集衆毛將欲致千里可得  
差一毫心不亂形太勞至矣一毫皆出老莊及諸道仙方禁試顏回何爲者  
單瓢纔自給肥醢不到口年不登三十張蒼何爲

者染愛浩無際妾媵填後房竟壽百餘歲蒼壽有  
何德回天有何辜誰謂具聖體不如肥瓠軀遂使  
世俗心多疑仙道書寄閻廬先生此理當何如

池上清晨候皇甫郎中

曉景麗未蒸晨鷗鮮且涼池幽綠蘋合霜潔白蓮  
香深掃竹間逕靜拂松下牀玉柄鶴翎扇銀鬕雲  
母漿屏除無俗物瞻望唯清光何人擬相訪羸女  
從蕭郎

詠懷

我知世無幻了無于世意世知我無堪亦無責吾

事由茲兩相忘因得長自遂自遂意何如閒官在  
閒地閒地唯東都東都少名利閒官是賓客賓客  
無牽累嵇康日日懶畢卓時時醉酒肆夜深歸僧  
房日高睡形安不勞苦神泰無憂畏從官三十年  
無如今氣味鴻雖脫羅弋鶴尚居祿位唯此未忘  
懷有時猶內愧

北窻三友

今日北窻下自問何所爲欣然得三友三方者爲  
誰琴罷輒舉酒酒罷輒吟詩三友迺相引循環無  
已時一彈一酌一詠暢四肢猶恐中有間以醉

爛縫之豈獨吾拙好古人多若斯嗜詩有淵明嗜  
琴有啓期嗜酒有伯倫三人皆吾師或乏儋石儲  
或穿帶索衣絃歌復鵲詠樂道知所歸三師去已  
遠高風不可追三友游甚熟無日不相隨左擲白  
玉卮右拂黃金徽興酣不疊紙走筆操狂詞誰能  
持此詞爲我謝親知縱未以爲是豈以我爲非

裴侍中晉公以集賢林亭卽事詩二十六韻  
見贈猥蒙徵和才拙辭繁輒廣爲五百言以  
伸酬獻

三江路千里五湖天一涯何如襄陽地中有平津

池池勝主見覺景新人未知竹森翠琅玕水深洞  
琉璃水竹以爲質質立而文隨文之者何人公來  
親指麾疏鑿出人意結構得地宜靈襟一搜索勝  
槩無遁遺因下漲沼沚依高築階基嵩峰見數片  
伊水分一支南溪修且直長波碧逶迤北館壯復  
麗倒影紅參差東島號晨光泉曜迎朝曦西嶺各  
夕陽香暖留落暉前有水心亭動蕩架漣漪後有  
闌闌堂寒溫變天時幽之鏡泓澄怪石山歌危春  
葩雪漠漠夏果珠離離主人命方舟宛在水中坻  
親賓次第三酒樂前後施解纜始登泥山遊仍水

嬉汾河無滯礙向背窮幽奇瞥過遠橋下飄旋深  
澗陴管絃去縹緲羅綺來霏微棹風逐舞迴梁塵  
隨歌飛宴餘日云暮醉客未放歸高聲索彩牋大  
笑催金卮唱和筆走疾問答盃行遲一詠清雨耳  
一酣暢四肢主客忘貴賤不知俱是誰客有詩魔  
者吟哦不知疲乞公殘紙墨一掃狂歌詞維云社  
稷臣赫赫文武姿十授丞相印五建大將旗四朝  
致勳華一身冠舉夔去年才七十決計懸車期公  
志不可奪君恩亦難希從容就中道僂僂來保釐  
貂蟬雖未脫鸞鳳已不羈歷徵今與古獨步無羣



夷陸賈功業少二疎官秩卑乘舟范蠡懼辟穀留  
侯飢豈若公今日身安家國肥羊祜在漢南空留  
峴首碑柳惲在江南祗賦汀洲詩謝安入東山但  
說攜蛾眉山簡醉高陽唯聞倒接羅豈如公今日  
餘力兼有之願公壽如山安樂長在茲願我比蒲  
稗永得相因依

謝靈運詩云  
蒲稗相因依

晚歸香山寺因詠所懷

我年日已老我身日已閒閒出都門望但見水與  
山關塞碧巖巖伊流清潏潏中有古精舍軒戶無  
扃關岸草歇可藉運蘿行可攀朝隨浮雲出夕與

飛鳥還吾道本迂拙世途多險艱嘗聞稽呂輩尤  
悔生疎頑巢悟入箕穎皓知返商巖豈唯藥肥遯  
聊復祛憂患吾亦從此去終老伊嵩間

張常侍池涼夜閒讌贈諸公

竹橋新月上水岸涼風至對月五六人管絃一兩  
事留連池上酌款曲城外意或嘯或謳吟誰知此  
閒味迴看市朝客矻矻趨名利朝忙少遊宴夕用  
多眠睡清涼屬吾徒相逢勿辭醉

和皇甫郎中秋曉同登天宮閣言懷六韻

碧天忽已高白日猶未短玲瓏曉樓閣清麗秋絲

管張翰一杯酣嵇康終日懶塵中足憂累雲外多  
疎散病木斧斤遺冥鴻羈縲斷逍遙二三子未願  
爲閒伴

送呂漳州

今朝一壺酒言送漳州牧半自要閒遊愛花憐草  
綠花前下鞍馬草上攜絲竹行客飲數杯主人歌  
一曲端居惜風景屢出勞僮僕獨醉似無名借君  
作題目